

BERITA

Suami jauh di hospital tetap dekat di hati isteri

► NUR SYUHRAH HASSAN
nsyuhrah@sph.com.sg

BAGAI lagu dan irama. Pasangan suami isteri, Encik Abdullah Yahya, 63 tahun, dan Cik Siti Hasenah Satay, 57 tahun, saling melengkapi dan tidak dapat dipisahkan.

Namun, akibat nahas motosikal yang dialami Encik Abdullah dan penularan Covid-19 di Hospital Tan Tock Seng (TTSH) di mana beliau dirawat, pasangan itu sudah lebih seminggu tidak bersua, dan dijangka akan terus berjujukan sehingga akhir bulan ini.

Ini adalah kali pertama sejak 40 tahun pernikahan mereka, pasangan suami isteri itu terpisah.

Encik Abdullah juga tidak pernah terlepas menyambut hari-hari istimewa bersama isterinya, termasuk Hari Ibu yang jatuh hari ini.

Encik Abdullah, mengalami kemalangan jalan raya pada 18 April lalu, yang mengakibatkan tulang punggung kirinya patah selain beberapa lagi kecederaan di seluruh badannya, sehingga beliau terpaksa menjalani pembedahan.

Beliau menunggang motosikal bersama anak lelakinya untuk pulang setelah membeli juadah berbuka puasa apabila nahas itu berlaku sekitar 5.30 petang, di persimpangan Sengkang Central dan Hougang Ave 6.

Sedang beliau cedera parah, kecederaan anak lelakinya tidak begitu teruk. Beliau dan isteri mempunyai dua lagi anak.

Encik Abdullah dimasukkan ke TTSH dan Cik Hasenah berada di samping suaminya setiap hari sehinggalah hospital

itu melarang kunjungan bagi sebahagian besar wad bagi menangani penularan Covid-19 pada 29 April lalu.

TTSH merupakan kelompok aktif Covid-19 di Singapura.

"Kami tak sangka larangan itu begitu lama. Saya dah seminggu tak dapat jumpa suami dan sangat bimbang akan keadaannya," ujar Cik Hasenah, yang melakukan panggilan video setiap hari dengan suaminya.

"Kami suami isteri memang rapat. Tidak pernah berpisah. Kawan-kawan sampai gelarkan kami macam 'sardin dan tin' sebab selalu bersama!"

"Bila saya dapat melawat dia di hospital sebelum ini, sayalah yang suapkan dia makan, letakkan Vicks di dada dia, sekarang ni tak tahulah."

"Saya sampai tidak ada selera makan fikirkan keadaan suami seorang diri, terlantar di hospital," katanya, sambil menahan sebak.

Bagi mengubat sedikit gundah Cik Hasenah, TTSH dan Berita Minggu telah bekerjasama untuk merancang kejutan bagi beliau sempena Hari Ibu ini, dengan memberi kek serta membantu Encik Abdullah menulis dan mengirinkan kad khas bagi isterinya itu.

Setibanya di rumah Cik Hasenah di Hougang dan setelah menerima kiriman istimewa itu, Encik Abdullah menghubungi isterinya menerusi panggilan video.

Kedua suami isteri begitu emosi, terutama apabila Cik Hasenah mula membacakan kad kiriman suaminya itu, mencerminkan hubungan dan cinta mereka yang begitu mendalam.

"Saya sangat tersentuh ketika mem-



Wawancara khas dengan Menteri Negara (Pembangunan Sosial dan Keluarga) Sun Xueling dan ibu kembar tiga sempena Hari Ibu di www.BeritaHarian.sg



TERSENUTUH: Cik Siti Hasenah Satay, tersentuh ketika membaca ucapan suaminya yang meluahkan perasaan penghargaan kepadanya dalam kad Hari Ibu yang diberikan oleh Hospital Tan Tock Seng (gambar sisipan). Bersamanya ialah anak pertamanya Siti Masitah. - Foto-foto BM oleh HARITH MUSTAFFA

baca kad yang suami saya berikan," kata Cik Hasenah, sambil mengesat air mata yang membasahi pipinya.

"Saya doakan suami saya cepat sembuh dan kita semua dapat pulih dari wabak ini," kata Cik Hasenah.

Encik Abdullah kini masih di hospital untuk rawatan lanjut dan harus menjalani fisioterapi.

Penyelia juruteknik itu dijangka dirawat di hospital sekitar tiga bulan lagi.

Keluarga Encik Abdullah memohon saksi untuk tampil dengan rakaman video kemalangan tersebut.



Imbas Kod QR untuk tonton video



CEDERA PARAH: Encik Abdullah terlibat dalam nahas motosikal dan beliau perlu menjalani pembedahan. - Foto SITI MASITAH ABDULLAH

Berwakaf di Akhir-Akhir Ramadan




Projek Wakaf Itizam Masjid Al-Amin

Apabila kita berwakaf atau berinfaq, ia menjadi salah satu ciri orang bertaqwa kerana kita mematuhi perintah Allah SWT yang memang menyuruh kita untuk menginfakkan sebahagian harta ke jalanNya. Dengan saham wakaf yang kita laburkan di dunia, percayalah yang kita akan mendapatkan pulangan yang berterusan di akhirat. Saham ini sangat berbaloi kerana ia tidak pernah merosot. Amalan bersekah juga akan menghapuskan sifat kecintaan terhadap dunia sekaligus menjadikan akhirat matlamat terakhir.

Ustaz Haji Pasuni Maulan

Lebih 5000 Lot Wakaf ditawarkan kepada para penderma

CENDERAHATI WAKAF
Bagi para penderma yang membuat wakaf online Wakaf \$100 Cenderahati ada caj delivery \$10 ke rumah Wakaf \$250 ke atas Cenderahati dihantar percuma ke rumah atau anda boleh mengambil cenderahati di Masjid



Cara-Cara untuk menderma

- WAKAF BUMBUNG . WAKAF BILIK DARJAH
- WAKAF SISTEM AUDIO VISUAL & CCTV
- WAKAF SISTEM TENAGA ELEKTRIK
- WAKAF DEWAN SOLAT (Mihrab, Permaidani, Lampu, Kipas)
- WAKAF DEWAN SERBAGUNA .
- WAKAF GALERI ISLAM . INFAQ CAT SELURUH BANGUNAN



Melalui Bank Transfer
AKAUN NO DBS CURRENT
012-009859-6



Melalui Wakaf dan Infaq dari Rumah anda



Melalui QR CODE PayNow UEN No S91MQ0008B001



Melalui Cek atas nama Lembaga Pentadbir Masjid Al-Amin

Booth Masjid Al-Amin di Wisma Geylang Serai sepanjang Ramadan

dari 12hb April hingga 12hb Mei 2021

Berhadapan Restoran Saap Saap Thai
Isnin-Jumaat: 10pg - 10mlm | Sabtu-Ahad: 9pg - 10mlm

Khidmat kami

Infaq | GIRO | Wakaf | Fidyah | Daftar Kuliah | Kupon Amal | Kurma Ajwa



#MasjidAl-AminSG



<https://alaminmosque.mimbar.sg>



62725309

50 Telok Blangah Way Singapore 098801

12hb Mei tutup jam 4petang